



Diretora Nasional PNDS, Dulce Guterres Junior, Hato'o Relatoriu Servisu PNDS Husi Tinan Anterior nian ba Ministru Administrasaun Estatal, Dr. Miguel Pereira de Carvalho, iha Salaun Reuniaun, MAE.

Sekretariadu Tekniku PNDS Hala'o Enkontru ho Ministru Administrasaun Estatal

Diretora Nasional ST-PNDS, Dulce Guterres Junior akompanha ho Ekipa Sekretariado Nasional PNDS hala'o Enkontru ho Ministru Administrasaun Estatal, Miguel Pereira de Carvalho iha salaun enkontru Ministeriu Administrasaun Estatal, Dili; 8/06/2020. Objetivu husi enkontru ne'e atu aprejenta progresu servisu husi tinan 2013 to'o 2019 alende ne'e mos ekipa aktualiza mos planu servisu PNDS iha tinan 2020 ba Ministru Administrasaun Estatal.

Iha aprejentasaun ne'ebé Diretora Nasional ST-PNDS, Dulce Guterres Junior hamutuk ho Ekipa Sekretariado Nasional no Assesor PARTISIPA, hato'o progresu Dezenvolvimentu infraestrutur ne'ebé inisiu husi tinan 2013 to'o 2019 nomo's implementasaun uma OPS hamutuk 14 iha teritoriu Timor-Leste inklui mos Fatin Halimar (Playground) ne'ebé osamentu mai husi Govenu Nova Zelandia no implementa liu husi PNDS.

Alende ne'e mos Diretora Nasional ST-PNDS, Dulce Guterres Junior ho Ekipa Sekretariado Nasional no Assesor husi PARTISIPA koalia mos kona-ba Eskola Edukativa 9 iha Munisipiu 7 no mos informa ba Ministru Administrasaun Estatal, konaba ajuda Governu Australia fornese assistensia finanseiru hamutuk miliaun \$ 4.4 dolar Amerikano ba Governu Timor-Leste liu husi programa PNDS hodi finansia projeitu infrastrutura komunitaria nune'e bele rekopera ekonomia komunidadade durante pandemia Covid-19.

Sekretariadu Tekniku Programa Nasional Dezenvolvimentu Suku (PNDS) Realiza Enkontru Nasional

Enkontru Koordinasasaun Nasional Ne'e partisipa husi Diretora Nasional ST-PNDS, Representante Team Leader PARTISIPA, Chefe Unidade, Chefe Departamentu, Diretores Delegasaun Munisipiu PNDS Munisipiu 12 no RAEOA, no Funsionariu Sekretariadu Tekniku PNDS ne'ebé realiza iha salaun Joao Paolu II Comoro, Dili, (10/06/2020). Objectivu husi Enkontru Koordinasasaun Nasional ne'e atu informa no Atualiza progresu servisu kada munisipiu, rezumu enkontru mensal anterior, atualizasaun ba revisaun global timeline 2020 no planu asaun servisu, socializa informasaun kona-ba apoiu finanseiru husi Governu Australia (DFAT) hanaran COVID fund liu husi implementasaun PNDS ba suku 152 iha faze 1 siklu 3 no mos Update informasaun relasiona ba orsamentu Duodecimo ba implementasaun projeitu PNDS iha suku 91 husi faze 2 siklu 3, ikus liu mak atualizasaun kada munisipiu (Progresu Implementasaun fiziku, finansas no sosial) ba faze 3 siklu 2, uma edukativa no fatin halimar (Playground).

Iha abertura ba Enkontru Koordinasasaun Nasional Diretora Nasional ST-PNDS, Dulce Guterres Junior, iha nia intervensaun ba Partisipante sira konaba planu servisu global timeline 2020 ne'ebé oras ne'e lao hela nomos orsamentu Duodesimo no Fundus COVID, alende ne'e Diretora Nasional ST-PNDS mos hato'o sentimentu apresiasaun ba Governu Australia tamba bele apoio orsamentu mai PNDS por volta \$ 4.4 miloes dolar Amerikano. Diretora Nasional ST-PNDS, Dulce Guterres Junior hatutan katak ba tinan ida ne'e nia laran PNDS iha servisu bo'ot tebes ne'ebé maka tenki aselera, signifika katak ba tinan ida ne'e to'o tinan oin PNDS sei kobre 257 suku iha teritorio Timor laran tomak, nune'e suku sira ne'ebé maka tama ba Faze 1 nia orsamentu sei mai husi fundu COVID ba Faze 2 nian Orsamentu mai husi Duodesimo no Faze 3 nia orsamentu sei mai husi OGE (orsamentu geral do estado) 2020.

PNDS

Hamutuk Ita
Dezenvolve Nasaun

Juñu 2020

Progresu

Pilotu: Remata ona

Faze 1 Siklu 1 : Remata Ona

Faze 2 Siklu 1 : Remata Ona

Faze 3 Siklu 1 : Remata Ona

Faze 1 Siklu 2 : Remata Ona

Faze 2 Siklu 2 : Remata Ona


Faze 3 Siklu 2 : Iha Etapa 11 no 12

(Sertifikasaun Final no Akontabilidade Final)




Konstrusaun

Faze I Siklu 2



Faze II Siklu 2



Sekretariadu Tekniku PNDS Realiza Treinamentu Resiklajen POM Nivel Munisipiu

Sekretariadu Tekniku PNDS Nasional realiza treinamentu resiklajen POM refresher nivel Munisipiu ne'ebé partisipa husi Diretor Delegasaun PNDS Munisipiu no funsionariu PNDS Munisipiu 12 no Postu Administrativu, treinamentu ne'e hahu iha 23-26/06/2020 iha kada Munisipiu Inklui RAEOA. Objetivu husi Treinamentu POM ne'e atu hetan kompriesaun ida hanesan konaba manual implementasaun programa ne'ebé PNDS utiliza ona durante ne'e inklui ninia revizaun no mudansa ba prosesu no matadalan implementasaun PNDS ba Siklu III nian.

Abertura ba treinamentu POM ne'e halao iha kada Munisipiu, ne'ebé iha Munisipiu balun abertura husi Presidente Autoridade Munisipiu, balun abertura husi Administrador Munisipiu.

Iha fatin hanesan, Chefe Unidade Operasional, Marcio J. L. Marcal, agradece tebes ba partisipante sira husi postu administrasaun hitu iha munisipiu covalima ne'ebé mai halibur hamutuk iha treinamentu ne'e atu bele refresher fali hanoin konaba mata dalan implementasaun PNDS ne'ebé lao ona durante tinan hirak ba kotuk atu bele iha hanoin ne'ebé hanesan hodi implementa tuir mata dalan ne'ebé iha.



Programa Nasional Dezenvolvimentu Suku (PNDS) Realiza Treinamentu POM Refresher Nivel Nasional

Treinamentu POM refresher Nivel Nasional ne'e partisipa husi Diretora Nasional ST-PNDS, Chefe Unidade, Chefe Departamentu, FST no Assesor PARTISIPA, Funsionariu Sekretariu PNDS Nasional ne'ebé mak realiza durante loron ha'at iha salaun Joao Paulo II Comoro, Dili; 16-19/06/2020. Objectivu husi treinamentu POM refresher nivel nasional mak atu hetan Komprensaun ida hanesan ba manual implementasaun programa ne'ebé PNDS utiliza durante ne'e inklui revisaun no Mudansa ba progresu no mata dalan implementasaun PNDS ba siklu III nia alende ne mos atu sai treinador ba treinamentu iha nivel munisipiu revizaun no mudansa ba progresu no matadalan implementasaun PNDS siklu III nian.

Iha intervensaun ne'ebé hatu'o husi Diretora Nasional ST-PNDS, Dulce Guterres Junior ba sesaun abertura nia laran katak ohin loron ita halibur malu hamutuk iha ne'e atu fahe informasaun ne'ebé hanesan tama durante ne'e, buat balun mak ita haluha aproveita ho refresher training ida ne'e atu refresh ita nia kakutak maibe ita mos hare katak sekarak sujestaun balun ne'ebé dehan katak format balun lapresija uza entaun ita la presija uza.



Atu hetan informasaun :
www.pnds.gov.tl
info@pnds.gov.tl

Atu fo imi nia hanoin:
keixa@pnds.gov.tl